

Mir si MC – mir si Managed Care

Das FMC Symposium fand seinen festlichen Abschluss beim traditionellen Networking Dinner in der alten Giesserei Oerlikon. Umrahmt wurde das Nachtessen von den mit spitzer Feder getexteten Beiträgen des Berner Gesangduos Schertenlaib & Jegerlehner.

Mir si MC
 mir si Managed Care
 mir tüe integriere, diskutiere
 optimiere, insischtiere
 kollaboriere, mängisch de fasch
 kollabiere vor luter düreschtiere

mir hei Ärztenetz
 mir hei e Huufe Gsetz
 mir hei es Ufffangnetz

mir si real da i dere virtuelle Wäut
 mir häufe, wo mer chöi, mir sueche Lösige
 mir si effektiv, mir differänziere:
 Betreuuigsarzt, Assischtänzarzt, Husarzt
 Facharzt, Spitauarzt, u schlussamänd:
 dr Paziänt

mir si MC
 mir kämpfe gäge Husarztmangel
 mir kämpfe fürne Zwedrittelsmehrheit
 mir si Plattform, no geng in topform
 mir schwümme gäge Schtrom
 mir si gäge d'Jagd nach guete Risike
 gäge Doppuuntersuechige

mir zieh am gliche Schtrick
 we o mängisch i di anderi Richtig
 mir si offe, mir si e Verein
 mir si innovativ, alternativ
 mir diskutiere Norme, si solidarisch

mir si grosszügig,
 we aui näh de blibt am Schluss nüt übrig
 d'Wäut isch gross u züigig
 wed Glück hesch muesch o Päch gha ha
 muesch o mau im Räge shtah
 mir setze üs ii für d'Salutogenese
 mir si es Netzwärk
 mir si MC
 mir si Masters of Ceremony



Mehr Informationen zu den beiden Künstlern finden Sie unter:
www.schertenlaibundjegerlehner.ch